

Graduan digesa berbudi, berbakti pada masyarakat

Kuantan: Berbakti dan berbudi semula kepada masyarakat. Itu ingatan Canselor Universiti Malaysia Pahang (UMP), Tengku Abdullah Sultan Ahmad Shah kepada 2,493 graduan universiti itu sempena Majlis Konvokesyen Ke-9, semalam.

Sambil mengungkapkan peribahasa Melayu 'benih yang baik, jatuh ke laut menjadi pulau', baginda berkata, ia merujuk kepada keteguhan peribadi serta ketulenan jati diri graduan yang menerima asuhan baik sejak kecil dan perlu berjaya dengan memastikan kehadirannya memberi manfaat kepada masyarakat.

Kembali berbakti

"Saya percaya tiada ibu bapa tidak berbangga dan bersyukur melihat kejayaan anak mereka dalam majlis konvokesyen ini. Rasa syukur itu adalah cerminan terhadap usaha dan keringat di曲urahkan bagi membesarkan

anak sehingga bergelar graduan. "Berbekalkan nilai asuhan di rumah dan pendidikan formal di sekolah dan universiti, graduan perlu mempunyai keinsafan tinggi kembali berbudi dan berbakti kepada masyarakat.

"Pesanan saya, di mana anda berada dan berkhidmat memberi manfaat kepada masyarakat," katanya.

Yang turut hadir, Pengurus Lembaga Pengaruh UMP, Datuk Mohd Hilmey Mohd Taib dan Naib Canselor UMP, Prof Datuk Dr Daing Nasir Ibrahim.

Tengku Abdullah berkata, konvokesyen kali ini satu manifestasi kecemerlangan lestari universiti itu yang mencapai usia 12 tahun penubuhannya sebagai sebuah institusi pengajian tinggi awam.

"Pelbagai pencapaian dan kejayaan diraih membuktikan ia berada pada landasan kukuh menjadi universiti teknologi pilihan utama," katanya.



Tengku Abdullah beramah mesra dengan penerima Anugerah Canselor UMP, Mohd Saddam Hassan (tiga dari kanan) pada Majlis Konvokesyen Ke-9 UMP di Kuantan, semalam.

(FOTO HALIM MAT ALI/BH)